

北京師範大學圖書館編

北京師範大學圖書館藏

稀見清人別集叢刊

第十冊

GUANGXI NORMAL UNIVERSITY PRESS
廣西師範大學出版社



北京師範大學圖書館編

北京師範大學圖書館藏

稀見清人別集叢刊

第十冊

GUANGXI NORMAL UNIVERSITY PRESS
廣西師範大學出版社

桂林



目錄

小鈍居士集

一

瓦卮集

四二三

小鈍居士集

〔清〕董秉純 撰

小鈍居士集

《小鈍居士集》十三卷，清董秉純撰，抄本。

董秉純，字抑儒，一字小鈍，浙江鄞縣人。全祖望大弟子，祖望目爲有用之材。乾隆十八年（1753年），以拔貢次京師。久之，後補廣西那地州州判，後升秦安縣知縣，有政績。乾隆五十三年（1788年），以疾歸里，卒，年七十一。《清史稿》有傳。

秉純之文集，《鄞縣藝文志》著錄爲《紅雨樓文稿》十四卷，一名《春雨樓集》。民國二十四年（1935年）張壽鏞刻《春雨樓初刪稿》十卷，輯入《四明叢書》，即削其繁矣。此《小鈍居士集》抄本，以目錄計，編爲十三卷，按卷端著錄，則爲十卷。收錄記、序、書、贈序、壽序、墓志、祭文、雜著等各體文凡一百二十四篇，其中五十四篇爲《四明叢書》本所無。而《四明叢書》中亦有四十九篇爲此抄本所未收者，故兩本可互爲補充。

秉純師事全祖望甚謹，祖望既沒，秉純抱其遺書，綴輯繕寫，唯恐有失。觀卷二《鮎埼亭集文外序》《錄謝山先生時文稿題詞》二篇所言，可知其始末。又其表彰祖望之學，孳孳而不已。《答范義亭書》卷五轉述程晉芳言，謂『他日盛行，必在曝書亭之上』。《答蔣柳汀論謝山先生文集書》卷五更言：『使先生之作，原無所非，而橫遭謗議，雖巧詆厚毀以至禁錮其文字，滅絕其後裔，天地鬼神必多方回護，既壓復起，愈磨厲而光愈顯。』

集中《寄屠法田論吾鄉明季諸公立祠祀書》卷五、《記陳秀才事》《讀樂平志張公彥芳後傳》《浩氣吟跋》以上卷十

二，表彰明季遺烈；《修復樂平縣慈湖書院記》《全州新建湘源書院碑記代陳牧》《三義學記》《上思州移建城隍廟碑記》以上卷一、《勸募開寧波三喉及濬河序》卷四，有意保存地方文獻，皆承祖望之學也。又《擬奉分修四庫全書某君書》《擬再奉某君書》以上卷五、《閱憲書》《讀金縢》《禹廟記謬》以上卷十二等，則可見秉純涉覽之博也。（楊健）

小鈍居士集目錄

浙鄞 董秉純

第一卷

天河縣新建鳳岡書院記

樂平縣修慈湖書院記

全州湘源書院碑記代陳牧肇輅

秦安縣三義學記

重修寧波府天封塔記代李閣學鶴峯

創建鄞縣城隍廟碑記代張大令

鄞縣會館碑陰記

改建上思州城隍廟碑記

重修上思州名宦祠附入前牧戴公記

重修慶遠府二侯廟記

秦安縣署眾樂園記

一隅閣記

小鈍居士集卷之一

浙鄞 董秉純 抑儒

新建天河縣鳳岡書院記

今天下文教日隆省府州縣庠序之外莫不有書院
慶遠府凡五屬宜山附郭有龍溪書院龍江書院而
李公書院則太守生祠也德勝鎮亦有屏峯書院河
池無書院而學宮之前有義學思思有環江義館東
蘭初改流百務草創然州署之西特設義學惟天河
自唐始置縣迄今千餘年未有創斯舉者我
皇上御極之三十有八年代州張君健來署邑篆始

謀於衆建義學昇得白金以兩計者百有六十適奉
調入闡事未集以銀貯之訓導劉君撤闡改署河池
予來承乏下車於明倫堂接延諸生堂頗頗敗訓導
君僦居民舍及謁

聖宮更荒落至問書院知方欲舉而未暇也予重為
慨然今年三月葺學宮既竣乃買得民房一所其正
中瓦屋三間立為講業之堂其西建大門一座門舍
一間東立爰舍三間繚以周垣定議於四月下浣藏
事於六月中浣規模楚楚略具顏曰鳳岡書院以城
東有鳳凰山也乃招諸生告之曰古之為吏者教與

養並其職也故敬敷五教即屬司徒之官後世岐而
二之長民者曰吏而掌教特立儒官以為之師後世
又以官設之師形格勢阻而鄉黨中賢士大夫足為
一國之望者聚其族而尊奉之其效轉盛於學校於
是書院始日廣今以予之不德無以誨化吾民而天
邑又千百年來無書院宜乎吏與民之切切於是也
今書院創興矣吏之謝吾民者庶幾有詞矣而下之
報稱乎上者自此始諸生知之否耶夫古之為士及
所以造士者經明行修是也今則端事詞章然文之
佳者湛深經術又其極為載道之文固德行所流露

也予固願諸生砥節厲行以嗣響鸞湖鹿洞諸先哲
然即以文章言必如何勤勉乃克日進乎高明以庶
幾不負張侯與予之惓惓而上報

聖天子作人之化乃為立學規四則粘之堂壁而先
書其略如此云

書院為士子讀書之所而讀書非但博取功名之謂
也謂夫經書所言皆吾身當為之事足以取法而實
見之今日也顧五常百行脩具於書無不宜法而在
學言學則禮師長敬朋友與夫講貫服習出入言語
之間尤切要諸生果能體認涵養於此一無差失即

推之家庭平日無差失即推之異日立朝事上出身
加民無差失如此方無媿乎讀書無媿乎儒士即無
媿乎科名若徒記誦古人之論說以夸文詞而博科
第末務而已非學也方今

聖天子在上文教日隆雖故天邑之僻小猶得創興
書院乃發軔之初猶恐諸生徂於故習惟知書院為
會文之所而未講求乎實學故首揭以為諸生告諸
生其勉之

右敦實學

古人為學日有就月有將日知所無月不忘所能朝
而受業晝而講貫夜而服習其次第有定也程期有

定也日之所業書之於冊或數日而校或一月而校
勤惰工拙按之歷歷可數是以其教不煩而業易進
向見各處書院不入院者惟朔望一至居其中者亦
惟文期會集而日無常定之課課無可稽之冊是職
業無定程也勤惰無主名也其何以申掌教之責今
與諸生約凡入書院先各循資力定為常課使日有
章程每人置考課冊填寫所業每日執冊請掌教判
日校課聽掌教不時抽取背誦覆解月終掌教各就
冊所書校其勤惰諸生務不負此日月不負掌教之
啟迪以力副此院創建之意則從此精進雖讀盡古

人之書力追古人之學亦易易耳豈特工帖括博科
名哉 右定課程

尚書朴作教刑註家謂夏楚二木學校之刑也然人
心不古處束縛馳驟三家村中童子師能行之而黨
庠序輒以為不便於是生徒及冠者師長即不得
以弟子之法繩之甚且稱字稱行儼如朋友豈師嚴
道尊之謂然夏楚之設原以勵廉恥非必鞭策也苟
能知恥則記功記過即無異於華衮斧鉞掌教但於
一月之終大書於榜曰某也勤記功若干某也惰記
過若干黏之講堂俾邑長官司以暨通國之人共得

周知某某之賢否嗚呼可不思與

右嚴獎勵

功令以帖括取士諸生之汲汲於此固其宜也然近者又兼令賦詩則韻語亦所當習夫有其習之必有其師之所謂事不師古以克有訓非說彼聞今日不睹六朝三唐為何物耳不聞曹劉沈宋為何人輒欲效西家之顰習東牆之笑何怪心日勞而藝日拙至於時文果能以六經為根柢以子史為波瀾何愁下筆驅遣苟或不能則胸中無昌明博大之文數百首往來寢處於其中雖有刻苦之思何以自達諸生於時文向有所業但當選擇精審厲其課程毋使間斷

以期至于日多日熟至于詩亦須多讀俟讀至一二
百首心目間已有詩之境界趣味然後聽掌教命題
於作文之日兼賦一律弗徒思生吞活剥草率搪塞
也 右習詞章

修復樂平縣慈湖書院記

樂平之有書院肇自元至正間知州事翟君講楊文
元公之學所謂慈湖書院是也已而就圯越二百年
邑令鍾君修復之即以為文元祠又其後太守唐公
拓而新之規模宏整倍昔時則邑人李天培職志焉
萬歷中金君忠士之宰樂也將改社學為洺陽書院